



BOSNA I HERCEGOVINA  
FEDERACIJA BOSNE I HERCEGOVINE  
SREDNJOBOSANSKI KANTON / KANTON SREDIŠNJA BOSNA  
OPĆINA FOJNICA

OPĆINSKO VIJEĆE FOJNICA

---

**NACRT**

**ODLUKA**  
**o naknadama za vatrogastvo**

Na temelju članka 141., a u vezi sa članom 132. tačka f) Zakona o zaštiti od požara i vatrogastvu Kantona središnja bosna („Službene novine KSB/SBK“, broj: 15/12), članka 8. stavak 3. točka 28., članka 13. stavak 2. točka 4., članka 36. i 37. Zakona o principima lokalne samouprave Federacije BiH („Službene novine Federacije BiH“, broj: 49/06), članka 24. stavak 1. točka 6. i članka 109. Statuta Općine Fojnica („Službene novine Općine Fojnica – Prečišćeni tekst“, broj: 2/15), Općinsko vijeće Fojnica, na \_\_\_\_ . sjednici, održanoj dana \_\_\_\_ . \_\_\_\_ .2017. godine, d o n o s i:

## **ODLUKU**

### **o naknadama za vatrogastvo**

#### **Članak 1.**

Ovom Odlukom utvrđuju se obveznici, visina, način prikupljanja, namjena sredstava i rokovi plaćanja naknade za vatrogastvo.

#### **Članak 2.**

Obveznici naknade iz članka 1. ove Odluke su pravne osobe, gospodarska društva, tvrtke, zanatske, trgovačke i ugostiteljske radnje, agencije, knjigovodstveni servisi i druge organizacije na području općine Fojnica.

Pravne osobe koje obrazuju vlastitu profesionalnu vatrogasnu jedinicu ili imaju zaključen ugovor sa odgovarajućim službama u mjestu gdje se nalazi gospodarsko društvo, isključuju se iz obaveze plaćanja naknade iz stavka (1) ovog članka.

#### **Članak 3.**

Visina naknade za vatrogastvo iz člana 1. Ove Odluke, određuje se prema jedinici površine koju koriste obveznici iz člana 2. Odluke, te prema požarnom opterećenju i požarnom riziku objekta, a ona iznosi:

1. za poslovne prostore, zanatsko-trgovinsko-ugostiteljske djelatnosti do 50 m<sup>2</sup> utvrđuje se naknada u visini od.....**15,00 KM** godišnje
2. za poslovne prostore zanatsko-trgovinsko-ugostiteljske djelatnosti od 50 do 120 m<sup>2</sup> utvrđuje se naknada u visini od..... **0,50 KM/** po m<sup>2</sup> godišnje, a daljnja razlika preko 120 m<sup>2</sup> obračunava se po ..... **0,30 KM** po m<sup>2</sup> godišnje
3. za markete, tržne centre, skladišne prostore, hotelsko-ugostiteljske objekte utvrđuje se naknada u visini od ..... **0,40 KM /** po m<sup>2</sup> godišnje;
4. za javne, zdravstvene, lječilišne, kulturne, sportske i školske ustanove utvrđuje se naknada u visini od..... **0,30 KM /** po m<sup>2</sup> godišnje;
5. za javne, zdravstvene, lječilišne, kulturne, sportske i školske ustanove preko 15.000 m<sup>2</sup>, utvrđuje se naknada u visini od..... **0,20 KM /** po m<sup>2</sup> godišnje;
6. za igre na sreću, bankarske, agencijske i knjigovodstvene poslovnice utvrđuje se naknada u visini od..... **1,00 KM /** po m<sup>2</sup> godišnje;
7. za gospodarska društva koja se bave preradom drveta, tekstila, kože, papira, plastike i kemijskih supstanci do 1000 m<sup>2</sup> korisnog prostora utvrđuje se naknada u visini od.....**0,50 KM/** po m<sup>2</sup> godišnje;

8. za gospodarska društva koja se bave preradom drveta, tekstila, kože, papira, plastike i kemijskih supstanci preko 1000 m<sup>2</sup> korisnog prostora utvrđuje se naknada u visini od.....**0,30 KM/** po m<sup>2</sup> godišnje;

9. za gospodarska društva koja se bave proizvodnjom hrane, preradom mesa i mesnih prerađevina, obradom metala i građevinske tvrtke, do 1000 m<sup>2</sup> korisnog prostora, utvrđuje se naknada u visini od.....**0,20 KM/** po m<sup>2</sup> godišnje;

10. za gospodarska društva koja se bave proizvodnjom hrane, preradom mesa i mesnih prerađevina, obradom metala i građevinske tvrtke, preko 1000 m<sup>2</sup> korisnog prostora utvrđuje se naknada u visini od.....**0,10 KM/** po m<sup>2</sup> godišnje;

11. za tvrtke koje se bave prometom nafte i naftnih derivata visina naknade utvrđuje se na temelju kapaciteta rezervoara za gorivo po m<sup>3</sup> u iznosu od .....**5,00 KM/** po m<sup>2</sup> godišnje;

12. za tvrtke koje se bave proizvodnjom, preradom, prometom ili skladištenjem zapaljive ili ostale opasne materije, u kojima postoji povećana opasnost od požara i eksplozija (izuzev benzinskih pumpi), visina naknade utvrđuje se na temelju površine prostora po ( m<sup>2</sup>) u kome se obavlja ta djelatnost, u visini od.....**1,00 KM/** po m<sup>2</sup> godišnje;

13. za korisnike i vlasnike trafoa i trafo-stanica utvrđuje se naknada po broju trafoa u visini od .....**10,00 KM/** godišnje, a za trafo stanice u visini od.....**1,00 KM/** po m<sup>2</sup> godišnje

14. za gospodarska društva koja se bave proizvodnjom električne energije (Mini – hidrocentrale, vjetrenjače i sloarna postrojenja) utvrđuje se naknada po proizvodnom pogonu i postrojenju (objektu) u visini od..... **30,00 KM/** paušalno mjesečno;

Sva potraživanja nastala do dana stupanja na snagu ove Odluke, plaćat će se po propisima koji su važili u trenutku nastanka obaveze.

#### **Članak 4.**

Općinski načelnik će svojim Rješenjem naknadno formirati Povjerenstvo za utvrđivanje stvarnog stanja kvadrature površina koje podliježu obavezi plaćanja, po ovoj Odluci.

#### **Članak 5.**

Prikupljena finansijska sredstva će se koristiti za sljedeće namjene:

1. nabavku vatrogasne opreme za vatrogasne postrojbe;
2. nabavku tehničkih i drugih sredstava za vatrogasne postrojbe;
3. stručno obučavanje i osposobljavanje vatrogasaca;
4. održavanje opreme i vatrogasnih sredstava vatrogasne postrojbe;
5. investicionu izgradnju i opremanje objekata za potrebe vatrogasne postrojbe;

#### **Članak 6.**

Nalogodavac po sredstvima naknade za vatrogastvo je Općinski načelnik, po prijedlogu mjerodavne službe Općine Fojnica.

### **Član 7.**

Administrativno-stručne poslove koji se odnose na izdavanje Rješenja, prikupljanje sredstava od naknada za vatrogastvo, praćenje troškova i namjenske upotrebe navedenih sredstava, vršit će Služba za civilnu zaštitu i inspekcijski nadzor Općine Fojnica.

### **Član 8.**

Računovodstvene i knjigovodstvene poslove naknade za vatrogastvo, vodit će Služba za privredu, finansije i budžet Općine Fojnica.

### **Članak 9.**

Naknadu iz člana 3. ove Odluke, obveznici su dužni platiti po ispostavljenom Rješenju o određivanju naknade u kojem će biti formuliran način i rokovi plaćanja naknade.

### **Članak 10.**

Propisane kaznene odredbe za učinjene prekršaje, u smislu neizvršavanja obveza, pravnih osoba, rukovoditelj tijela uprave i upravnih organizacija i drugih institucija i pojedinaca, utvrđeni su u odredbama čl. 166. do 169. Federalnog zakona o zaštiti od požara i vatrogastvu („ Službene novine FBiH“, br: 64/09).

**Broj: 01- \_\_\_\_\_ / 17**

**Fojnica, \_\_\_\_\_**

**PREDSJEDNIK  
OPĆINSKOG VIJEĆA FOJNICA**

\_\_\_\_\_

## **O B R A Z L O Ź E N J E**

### **uz Odluku o naknadama za vatrogastvo**

#### **I - PRAVNI TEMELJ**

Pravni temelj za donošenje Odluke o naknadama za vatrogastvo je članak 141., a u vezi sa člankom 132. točka f) Zakona o zaštiti od požara i vatrogastvu Kantona središnja bosna („Službene novine KSB/SBK“, broj: 15/12) i članak 8. stavak. 3. točka 28, član 13. stavak 2. točka 4., članak 36. i 37. Zakona o principima lokalne samouprave Federacije BiH („Službene novine Federacije BiH“, broj: 49/06).

#### **II - RAZLOZI ZA DONOŠENJE**

Člankom 136. stavak 5. Kantonalnog zakona o zaštiti od požara i vatrogastvu („ Službene novine KSB/SBK“, broj: 15/12), propisano je da se sredstva koja se prikupe u skladu sa člankom 141. stavak 1. istog, „Općina u skladu sa člankom 132.tačka f) ovog Zakona, a u vezi sa članom 8. Zakona o principima lokalne samouprave u Federaciji BiH („novine Federacije BiH“, broj: 49/06) može donijeti Odluku o taksama odnosno naknadama za vatrogastvo“, te ta sredstva koristi za nabavku vatrogasne opreme, tehničkih i drugih sredstava za vatrogasne postrojbe, stručno podučavanje i osposobljavanje vatrogasac, održavanje opreme i vatrogasnih sredstava te investicijsku izgradnju i opremanje objekata za potrebe vatrogasnih postrojbi, što je i učinjeno.